

持祭物價銀及祭服所用白綾而來云以此觀之則祭物似當折給而又有祭文獻軸之語或不無親入以帛欲為設祭之理然都督雖親自上來內喪設祭必無其理况遣人致祭乎彼雖欲行拒之不患無辭令接待所預為措辭善處優給聞禮之物善待以送宜當從之○禮曹判書李廷龜上劄辭本職及館伴上答曰今此兩任非卿則不可宜勿辭之○吏曹判書金瑬上劄辭遠接使上答曰省劄具悉卿懇非但卿之才學實合斯任自有前例不須辭之再辭不許○副提學鄭經世以秩居正二品不可為三品之職上劄乞解上不許○夜異方有氣如火光○庚子下教曰世子服色卒哭前以白袍磨鍊今以淺淡服磨鍊何前後不同如是耶內官以下及講官變服亦無是理此單子還為出給使之改磨鍊○禮曹啓曰王世子之服初喪雖以不杖期磨鍊而五禮儀服制條殿下及王世子無期年服云此蓋禮經所謂期喪絕於諸侯之意而王世子名位已定喪制降殺之節當與殿下一體故也殿下之期服則自三年降雖不可又降王世子之服則似當有降臣等久欲仰稟定奪而成服之後不敢追請矣殿下之服杖期實非正禮而迫於至情寧失於厚王世子之服擬此不降亦或一道故欲於卒哭後變除之節啓請次次稍降服色矣王